

დამტკიცებულია თბილისის ვანო სარაჯიშვილის სახ. სახელმწიფო კონსერვატორიის აკადემიური და წარმომადგენლობითი საბჭოების 2015 წლის 23 იანვრის გაერთიანებულ სხდომაზე # 1

სსიპ თბილისის ვანო სარაჯიშვილის სახელობის სახელმწიფო კონსერვატორიის ხარისხის უზრუნველყოფის სამსახურის 2014 წლის საქმიანობის ანგარიში

ხარისხის უზრუნველყოფის სამსახურის საქმიანობა 2014 წელს წარიმართა შემდეგი ძირითადი მიმართულებებით:

I. სასწავლო პროცესის ხარისხის უზრუნველყოფა, კურიკულუმების სრულყოფა, კონსერვატორიის განვითარება

- საანგარიშო პერიოდში უკუკავშირის მიღებისა და განათლების ხარისხის გაუმჯობესების მიზნით თსკ ხარისხის უზრუნველყოფის სამსახური რეგულარულად იღებდა მონაწილეობას საკონსულტაციო შეხვედრებში სტუდენტთა ჯგუფებთან, აკადემიურ პერსონალთან და ადმინისტრაციის წარმომადგენლებთან;
- კონსერვატორიის და ფაკულტეტების ხარისხის უზრუნველყოფის სამსახურის წარმომადგენლები აქტიურად მონაწილეობდნენ ზამთრის და გაზაფხულის სესიების მონიტორინგში;
- პროგრამების ხელმძღვანელებთან და პროგრამაში ჩართულ აკადემიურ/მოწვეულ პერსონალთან თანამშრომლობით მონაწილეობდა პროგრამების სრულყოფისა და სილაბუსების განახლების პროცესში;
- იანვარ-მარტში კონსერვატორიის ხარისხის უზრუნველყოფის სამსახურმა მიიღო მონაწილეობა კონსერვატორიის ბიბლიოთეკის სრულყოფილად ფუნქციონირებისათვის აუცილებელი რეკომენდაციების შემუშავებაში.

II. საგანმანათლებლო პროგრამების (საბაკალავრო, სამაგისტრო, სადოქტორო) მონიტორინგი

- საანგარიშო პერიოდში სამსახური ახორციელებდა საბაკალავრო, სამაგისტრო და სადოქტორო პროგრამების მონიტორინგს და პროგრამების ხელმძღვანელებთან და

პროგრამაში ჩართულ აკადემიურ/მოწვეულ პერსონალთან თანამშრომლობით მონაწილეობდა პროგრამების სრულყოფისა პროცესში;

- სწანგარიშო პერიოდში ხარისხის უზრუნველყოფის სამსახურის ხელმძღვანელობით მომზადდა საშემსრულებლო და მუსიკის თეორიისა და კომპოზიციის ფაკულტეტების სხვადასხვა სპეციალობის სტუდენტებისათვის კითხვარები სასწავლო კურსებში “სავალდებულო ფორტეპიანო“, „მუსიკის ისტორია“, „ მუსიკის თეორია (სოლფეჯიო, ჰარმონია, მუსიკალური ნაწარმოებების ანალიზი, პოლიფონია)“;
- პირველ კვარტალში გაგრძელდა 2013 წლის მეოთხე კვარტალში ჩატარებული სტუდენტების გამოკითხვის შედეგების ანალიზი და დაისახა შემდგომი რეაგირების გზები (სასწავლო კურსები “კამერული ანსამბლი“, „საკონცერტმაისტერო დაოსტატების კლასი“, „ვოკალური ანსამბლი“, „პედაგოგიური პრაქტიკა“);
- მეოთხე კვარტალში ხარისხის უზრუნველყოფის სამსახურის ხელმძღვანელობით მომზადდა საშემსრულებლო და მუსიკის თეორიისა და კომპოზიციის ფაკულტეტების საგანმანათლებლო პროგრამების „ჯაზის ხელოვნება“ და „მუსიკა და დღევანდელი“ სხვადასხვა სპეციალობის სტუდენტებისათვის კითხვარები. დეკემბერში ხარისხის უზრუნველყოფის სამსახურის ინიციატივით განხორციელდა ბაკალავრიატის მეორე კურსის სტუდენტების გამოკითხვა. გამოკითხვის შედეგების დასადგენათ შევსებული ანკეტები გადაეცა ფაკულტეტების ხარისხის უზრუნველყოფის სამსახურების უფროსებს;
- ამავე კვარტალში კონსერვატორის და ფაკულტეტების ხარისხის უზრუნველყოფის სამსახურის წარმომადგენლებმა დაიწყეს სტუდენტების გამოკითხვის შედეგების ანალიზი და ერთობლივად დასახეს შემდგომი რეაგირების გზები;
- დეკემბერში კონსერვატორიის რექტორის ბრძანებით ხარისხის უზრუნველყოფის სამსახურის უფროსმა თამარ ჩხეიძემ და მისმა მოადგილემ ლეილა მარუაშვილმა მიიღეს მონაწილეობა სამაგისტრო პროგრამების სწავლის შედეგების განმსაზღვრელი კომისიის მუშაობაში;
- 2013-2014 სასწავლო წლის მეორე სემესტრში ხარისხის უზრუნველყოფის სამსახურის ინიციატივით ჩატარებული კონსერვატორიის ორივე ფაკულტეტის ბაკალავრებისა და მაგისტრების გამოკითხვის (სასწავლო კურსები - კამერული ანსამბლი, საკონცერტმაისტერო დაოსტატების კლასი, პედაგოგიური პრაქტიკა, სოლფეჯიო, მუსიკალური ნაწარმოებების ანალიზი, პოლიფონია, ჰარმონიის ისტორია და თეორია, მუსიკის ისტორია) ანალიზის შედეგები მიაწოდა შესაბამისი კათედრების ხელმძღვანელებს. წამოჭრილი პრობლემები/ საკითხები/ მოსაზრებები განიხილა სასწავლო კურსების წამყვან პროფესორებთან, მიაწოდა რეკომენდაციები. სასწავლო პროცესის ასამაღლებლად და ხარვეზების გამოსასწორებლად შემუშავებულ იქნა მოქმედების ერთობლივი გეგმა;

- სამსახურმა მიიღო მონაწილეობა საგანმანათლებლო პროგრამებში ცვლილებების განხორციელების პროცესის ორგანიზებაში;
- ხარისხის უზრუნველყოფის სამსახურმა ფაკულტეტების ხარისხის სამსახურებთან ერთად ინდივიდუალური და ჯგუფური მეცადინეობების შეფასების მიზნით შეიმუშავა მიზნობრივი კითხვარები და შემუშავებული კითხვარების შესაბამისად ჩაატარა გამოკითხვები.

III. პროგრამების შემუშავება, აკრედიტაცია

- ოქტომბერში კონსერვატორიის და ფაკულტეტების ხარისხის უზრუნველყოფის სამსახურებმა სასწავლო დეპარტამენტთან და შესაბამის მიმართულებებთან ერთად შეიმუშავეს ორი მოკლევადიანი საგანმანათლებლო პროგრამა - „ბალეტის ხელოვნება (ინტენსიური კურსი)“ და „ვოკალის ხელოვნება (ინტენსიური კურსი)“ (დამტკიცებულია თსკ -ს აკადემიური საბჭოს 2014 წლის ოქტომბრის სხდომაზე #1).

IV. აკადემიური საბჭოსთვის დადგენილებების პროექტების მომზადება ხარისხის უზრუნველყოფის სამსახურის კომპეტენციის ფარგლებში

- იანვარ-მარტში ხარისხის უზრუნველყოფის სამსახურმა კონსერვატორიის სათათბიროს წევრებთან ერთად მიიღო მონაწილეობა თბილისის სახელმწიფო კონსერვატორიის წესდების ახალი ვერსიის შემუშავებაში;
- საანგარიშო პერიოდში კონსერვატორიის ხარისხის უზრუნველყოფის სამსახურმა მიიღო მონაწილეობა სსიპ-ვანო სარაჯიშვილის სახელობის სახელმწიფო კონსერვატორიის ასისტენტ-პროფესორის სამსახურში მიღებისა და კონკურსის ჩატარების წესის და თანდართული დოკუმენტაციის შემუშავებაში.

V. საერთაშორისო პროექტები

- მარტში კონსერვატორიის ხარისხის უზრუნველყოფის სამსახურის უფროსმა თ. ჩხეიძე და მოადგილემ ლ. მარუაშვილმა დაიწყეს ნორვეგიის სამუსიკო აკადემიის და თბილისის სახელმწიფო კონსერვატორიის ერთობლივი პროექტის „უმაღლესი სამუსიკო განათლების მოდერნიზაცია თბილისის კონსერვატორიაში“ ფარგლებში დაგეგმილი ვიზიტისთვის მზადება ოსლოს მუსიკალურ აკადემიაში, რომელიც განხორციელდება 2014 წ. 31.03 – 5.04;
- 28-30 აპრილში ნორვეგის მუსიკალური აკადემიის და სახ. კონსერვატორიის ერთობლივი პროექტის - “უმაღლესი სამუსიკო განათლების მოდერნიზაცია თბილისის კონსერვატორიაში“- ფარგლებში განხორციელდა ოსლოს მუსიკალური

აკადემიის ხარისხის უზრუნველყოფის დეპარტამენტის სტაფის ვიზიტი თსკ - ში, ვიზიტის ფარგლებში შედგა შეხვედრები თსკ ხარისხის უზრუნველყოფის სამსახურის წარმომადგენლებთან;

- 2014 წლის 28–30 ოქტომბერს სამსახურმა მიიღო მონაწილეობა ნორვეგიის სამუსიკო აკადემიის და თბილისის სახელმწიფო კონსერვატორიის ერთობლივი პროექტის „ უმაღლესი სამუსიკო განათლების მოდერნიზაცია თბილისის კონსერვატორიაში“ შემაჯამებელ კონფერენციაში, რომელიც ჩატარდა თსკ-ში. კონფერენციის ფარგლებში სამსახურის უფროსს თ. ჩხეიძეს ჰქონდა გამოსვლა დასკვნითი მოხსენებით: „Project outcomes on the example of QA system and CD at the TSC“.

VI. სტუდენტთა მობილობის ხელშეწყობა. კონსერვატორიის სტუდენტთა მიერ საზღვარგარეთ მოსმენილი სასწავლო კურსებისა და სხვა უმაღლესი საგანმანათლებლო დაწესებულებებიდან გადმოსული სტუდენტების კრედიტების აღიარება

- თსკ ხარისხის უზრუნველყოფის სამსახური სასწავლო დეპარტამენტთან და ფაკულტეტებთან ერთად მონაწილეობდა 2014 წლის შემოდგომის სემესტრისათვის შიდა და გარე მობილობის პროცესში გადმოსული სტუდენტების თსკ-სა და სხვა უსდ საგანმანათლებლო პროგრამების ფარგლებში მოპოვებული კრედიტების აღიარების პროცედურაში.

VII. საქართველოს კულტურისა და სპორტის, განათლებისა და მეცნიერების სამინისტროებისა და სსიპ განათლების აკრედიტაციის ეროვნული ცენტრისათვის საჭირო დოკუმენტაციის მომზადება

- საქართველოს კულტურისა და სპორტის სამინისტროს მოთხოვნის თანახმად ხარისხის უზრუნველყოფის სამსახური პერმანენტულად ამზადებს და დადგენილ ვადებში აგზავნის სამინისტროში კონსერვატორიაში მოქმედი სტრუქტურული ერთეულების მოკლევადიანი სტრატეგიული გეგმით გათვალისწინებული და გეგმის გარეშე შესრულებული სამუშაოების კვარტალურ ანგარიშებს.

სამსახური აწარმოებს ანგარიშების ანალიზს, ანალიზის შედეგები განიხილება შესაბამის სამსახურებში და მუშაობის სრულყოფის მიზნით ხდება რეკომენდაციების შემოთავაზება კონსერვატორიის სასწავლო და ადმინისტრაციული ერთეულების ხელმძღვანელებისათვის.

ანგარიშები აერთიანებს შემდეგი სტრუქტურული ერთეულების მონაცემებს:

- ✓ საშემსრულებლო და კომპოზიციისა და მუსიკოლოგიის ფაკულტეტების ყველა მიმართულება;
 - ✓ საზღვარგარეთთან ურთიერთობის დეპარტამენტი;
 - ✓ ხარისხის უზრუნველყოფის სამსახური;
 - ✓ სამეცნიერო კვლევების საკოორდინაციო დეპარტამენტი;
 - ✓ ტრადიციული მრავალხმიანობის კვლევის საერთაშორისო ცენტრი;
 - ✓ სტუდენტთა სამეცნიერო საზოგადოება;
 - ✓ კონსერვატორიის სტუდენტური თვითმმართველობა;
 - ✓ კონსერვატორიის ისტორიის მუზეუმი;
 - ✓ კონსერვატორიის ბიბლიოთეკა.
- ხარისხის უზრუნველყოფის სამსახურმა ავტორიზაციის ყოველწლიური თვითშეფასების ანგარიშისთვის შეაგროვა კონსერვატორიის ერთეულებისგან, საგანმანათლებლო პროგრამების ხელმძღვანელებისგან, მიმართულებებისგან თვითშეფასებისათვის საჭირო ინფორმაცია, ცალკეული მონაცემები, რეკომენდაციები. მიღებული მასალების ანალიზის შედეგად მოამზადა ავტორიზაციის თვითშეფასების წლიური ანგარიში და დადგენილ ვადებში გაგზავნა განათლების ხარისხის განვითარების ეროვნულ ცენტრში;
 - ხარისხის უზრუნველყოფის სამსახურმა კონსერვატორიის საგანმანათლებლო პროგრამების ხელმძღვანელებთან, მიმართულებებთან და სტრუქტურულ ერთეულებთან ერთად მოამზადა თსკ აკრედიტებული პროფესიული საგანმანათლებლო, მოქმედი საბაკალავრო, სამაგისტრო, სადოქტორო პროგრამების, მასწავლებლის მომზადების საგანმანათლებლო პროგრამის, ქართულ ენაში მომზადების საგანმანათლებლო პროგრამის თვითშეფასების ყოველწლიური ანგარიშები. დადგენილ ვადებში ანგარიშები გაიგზავნა განათლების ხარისხის განვითარების ეროვნულ ცენტრში;
 - საანგარიშო პერიოდში ხარისხის სამსახური მონაწილეობა სსიპ განათლების ხარისხის განვითარების ეროვნული ცენტრის მიერ ეროვნული კვალიფიკაციათა ჩარჩოს პროექტის ფარგლებში შექმნილი დარგობრივი სტანდარტების შექმნაზე მომუშავე ჯგუფის მიერ ინიცირებულ ღონისძიებებში, დისკუსიებსა და შეხვედრებში;
 - მონაწილეობდა სსიპ განათლების ხარისხის განვითარების ეროვნული ცენტრის პროექტის „პროფესიული კვალიფიკაციათა ხელშეწყობის პროგრამა“ ფარგლებში პროფესიულ კვალიფიკაციათა ახალი ჩარჩოს შექმნაზე მომუშავე ჯგუფის მიერ ინიცირებულ ღონისძიებებში, დისკუსიებსა და შეხვედრებში;
 - 2014 წლის აგვისტო-სექტემბერში განათლების ხარისხის განვითარების ეროვნული ცენტრის ინიციატივით თსკ-ის ხარისხის უზრუნველყოფის სამსახურმა

- საქართველოს სახელოვნებო საგანმანათლებლო დაწესებულებების ხუს -ს და აკადემიურ პერსონალთან ერთობლივად დაიწყო ავტორიზაციისა და პროგრამული აკრედიტაციის ახალ სტანდარტებზე მუშაობა (მიმართულება - „ხელოვნება“);
- მეოთხე კვარტალში ხარისხის უზრუნველყოფის სამსახურის უფროსმა თამარ ჩხეიძემ მიიღო მონაწილეობა საქართველოს პარლამენტის განათლების კომიტეტის მიერ ინიცირებულ მუშაობაში „უმაღლესი განათლების შესახებ“ საქართველოს კანონში ცვლილებებისა და დამატებების შეტანის თაობაზე;
 - ოქტომბერ-დეკემბერში განათლების ხარისხის განვითარების ეროვნული ცენტრის ინიციატივით თსკ-ის ხარისხის უზრუნველყოფის სამსახურმა საქართველოს სახელოვნებო საგანმანათლებლო დაწესებულებების ხუს - თან ერთობლივად გააგრძელა მუშაობა დარგობრივ სტანდარტებზე (მიმართულება - „ხელოვნება“);
 - ხარისხის უზრუნველყოფის სამსახურის უფროსი მონაწილეობდა კულტურის სამინისტროში არსებულ სახელოვნებო განათლების საკანონმდებლო ცვლილებებზე მომუშავე ჯგუფის მუშაობაში;
 - კონსერვატორიის ხარისხის უზრუნველყოფის სამსახური პერმანენტულ რეჟიმში რეაგირებს განათლების ხარისხის განვითარების ეროვნული ცენტრიდან, საქართველოს კულტურისა და სპორტის, საქართველოს განათლებისა და მეცნიერების სამინისტროებიდან შემოსულ კორესპონდენციაზე.

VIII. მივლინებები საზღვარგარეთ, მონაწილეობა ბოლონიის პროცესთან, ხარისხის უზრუნველყოფასთან, აკრედიტაციასთან დაკავშირებულ შეხვედრებში, კონფერენციებში, სემინარებში, ტრენინგებში, მასტერკლასებში

- 1-5 აპრილში ნორვეგის მუსიკალური აკადემიის და სახ. კონსერვატორიის ერთობლივი პროექტის - “უმაღლესი სამუსიკო განათლების მოდერნიზაცია თბილისის კონსერვატორიაში“-ფარგლებში შედგა ხარისხის უზრუნველყოფის სამსახურის უფროსის თამარ ჩხეიძის და მისი მოადგილის ლეილა მარუაშვილის ვიზიტი ოსლოს მუსიკალურ აკადემიაში;
- 5-7 აპრილში ხარისხის უზრუნველყოფის სამსახურის უფროსმა თამარ ჩხეიძემ მიიღო მონაწილეობა ევროპული კონსერვატორიების ასოციაციის (ადრეული მუსიკა - კურიკულუმის განვითარება) ყოველწლიურ შეხვედრაში ქალაქ ვიჩენცაში (იტალია). შეხვედრების ფორმატში მას ჰქონდა საინფორმაციო გამოსვლა კურიკულუმის განვითარების და თსკ-ში ძველი მუსიკის მოდულის დანერგვასთან დაკავშირებით;
- ივნისში ხარისხის უზრუნველყოფის სამსახურის უფროსმა თამარ ჩხეიძემ მიიღო მონაწილეობა შეხვედრებში სიბელიუსის მუსიკის აკადემიის საერთაშორისო

ურთიერთობათა ხელმძღვანელთან ტუოვი მარტინსენტან. სამუშაო ვიზიტის ფარგლებში განხილული იყო სტუდენტთა და აკადემიური პერსონალის მობილობის შესაძლებლობები და მომავალი ერასმუს პარტნიორობასთან დაკავშირებული დეტალები;

- 5-10 ოქტომბერს ნორვეგიის მუსიკალური აკადემიის და სახ. კონსერვატორიის ერთობლივი პროექტის - “უმაღლესი სამუსიკო განათლების მოდერნიზაცია თბილისის კონსერვატორიაში“- ფარგლებში შედგა ხარისხის უზრუნველყოფის სამსახურის უფროსის თამარ ჩხეიძის ვიზიტი ოსლოს მუსიკალურ აკადემიაში
- 28–30 ოქტომბერს სამსახურის უფროსმა თ. ჩხეიძემ მიიღო მონაწილეობა ნორვეგიის სამუსიკო აკადემიის და თბილისის სახელმწიფო კონსერვატორიის ერთობლივი პროექტის „ უმაღლესი სამუსიკო განათლების მოდერნიზაცია თბილისის კონსერვატორიაში“ შემაჯამებელ კონფერენციაში დასკვნითი მოხსენებით: „Project outcomes on the example of QA system and CD at the TSC“;
- 10 ოქტომბერს ხარისხის უზრუნველყოფის სამსახურის უფროსმა თამარ ჩხეიძემ და მისმა მოადგილემ ლეილა მარუაშვილმა მიიღეს მონაწილეობა განათლების ხარისხის განვითარების ეროვნული ცენტრის მიერ ჩატარებულ კონფერენციაში „განათლების ხარისხის უზრუნველყოფის სისტემის გამოწვევები და გაუმჯობესების გზები“;
- მესამე კვარტალში ხარისხის უზრუნველყოფის სამსახურის უფროსმა თამარ ჩხეიძემ მიიღო მონაწილეობა ქ. თბილისის მუნიციპალიტეტის საკრებულოს განათლებისა და კულტურის კომისიასთან არსებული „საზოგადოებრივი სათათბიროს“ მუშაობაში;
- მეოთხე კვარტალში კონსერვატორიის ხარისხის უზრუნველყოფის სამსახურმა მიიღო მონაწილეობა ეროვნული საკვალიფიკაციო ჩარჩოს ახალი ვერსიის შემუშავებაში.

კონსერვატორიის ხარისხის უზრუნველყოფის სამსახური პერმანენტულად მუშაობდა

ნორმატიულ დოკუმენტაციაზე, მიმდინარე რეკომენდაციებზე, ბრძანებებზე.